

# **Mount Sinai Hospitals Group / Gwoup Lopital Mount Sinai**

## **Yon Kout Je Sou Prensip Asistans Finansyè a**

Lopital ki fè pati Mount Sinai Hospitals Group, Inc. yo konprann pafwa yon pasyan ki bezwen swen kapab gen difikilte pou peye pou sèvis li resevwa yo. Nou kapab ede ou aplike pou asistans finansyè si ou kalifye selon kantite lajan w ap fè. Nou kapab ede ou aplike pou asirans gratis oswa bon mache tou si ou kalifye.

### **Kimoun ki kalifye pou yon rabè?**

Asistans finansyè disponib pou pasyan ki pa gen anpil kòb epi ki pa gen asirans sante, oswa ki te itilize tout avantaj asirans sante yo.

Si w ap viv nan Eta New York, ou kapab resevwa yon rabè sou swen ijan si ou satisfè limit sou kantite lajan moun kapab fè a.

Si w ap viv nan Vil New York, ou kapab resevwa yon rabè sou swen ki pa ijan epi ki nesesè pou rezon medikal si ou satisfè limit sou kantite lajan moun kapab fè a.

Yo pa kapab refize ba ou swen ijan oswa lòt swen ki nesesè pou rezon medikal paske ou bezwen asistans finansyè.

### **Kisa limit sou kantite lajan moun kapab fè a ye?**

Kantite rabè a varye selon kantite lajan w ap fè ak kantite moun ki nan fanmi ou. Sa yo se limit sou kantite lajan moun kapab fè:

<b>Kantite moun nan fanmi an</b>	<b>Kantite lajan fanmi a fè chak ane</b>	<b>Kantite lajan fanmi a fè chak mwa</b>	<b>Kantite lajan fanmi a fè chak semèn</b>
1	Jiska \$ 51,041	Jiska \$ 4,253.42	Jiska \$ 982.31
2	Jiska \$ 68,961	Jiska \$ 5,746.75	Jiska \$ 1,327.19
3	Jiska \$ 86,881	Jiska \$ 7,240.08	Jiska \$ 1,672.07
4	Jiska \$104,801	Jiska \$ 8,733.42	Jiska \$ 2,016.96
5	Jiska \$122,721	Jiska \$10,226.75	Jiska \$ 2,361.84
6	Jiska \$140,641	Jiska \$11,720.08	Jiska \$ 2,706.72
7	Jiska \$158,561	Jiska \$13,213.42	Jiska \$ 3,051.60
8	Jiska \$176,481	Jiska \$14,706.75	Jiska \$ 3,396.48

\* Selon Gid Pòvre Federal ane 2020 la

### **Ki sèvis Prensip Asistans Finansyè lopital la garanti?**

Sèvis "Fasilité" Lopital: Rabè a garanti tout sèvis ijans ak lòt sèvis ki nesesè pou rezon medikal lopital la ba ou li menm.

Sèvis "Pwofesyonèl": Rabè a garanti tout sèvis pwofesyonèl ijan ak lòt sèvis pwofesyonèl ki nesesè pou rezon medikal ou resevwa nan fasilité lopital la<sup>1</sup> nan men moun k ap travay pou lopital la. Rabè a kapab garanti kèk sèvis pwofesyonèl ijan ak lòt sèvis pwofesyonèl ki nesesè pou rezon medikal ou resevwa nan fasilité lopital la nan men moun k ap travay pou Icahn School of Medicine nan Mount Sinai tou. Men, gen anpil chans rabè a p ap garanti lajan pwofesyonèl swen sante prive oswa "volontè" mande pou peye pou sèvis pwofesyonèl. Pou konnen si rabè a ap garanti sèvis pwofesyonèl ou resevwa nan men pwofesyonèl swen sante ou, ou kapab vizite [www.hospitalassistance.org](http://www.hospitalassistance.org) oswa ou kapab kontakte biwo yo ki nan li anwo nan rezime sa a.

### Ki sèvis Prensip Asistans Finansyè lopital la pa garanti?

Nou pa garanti sèvis ki pa nesesè pou rezon medikal, tankou chiriji kosmetik, vè kontak kosmetik ak sèvis etid somèy. Nou pa garanti frè pou bagay pèsònèl, tankou chanm prive, enfimyè prive, ak televizyon. Nou pa garanti sèvis ki gen pou wè ak rechèch..

Gen anpil chans rabè a p ap garanti sèvis pwofesyonèl ou resevwa nan men yon pwofesyonèl sante prive oswa "volontè". Ou kapab pale ak pwofesyonèl swen sante prensip asistans finansyè a pa garanti pou wè si yo ofri yon rabè oswa plan pou peye.

### Kijan pou mwen aplike pou asistans finansyè?

Pou aplike pou asistans finansyè, ou kapab ranpli epi soumèt yon Fòm Asistans Finansyè bay lopital ou te resevwa sèvis la, nan adrès yo ki pi ba a:

- **Mount Sinai Beth Israel (Kanpis Petrie)**: Depatman Konsèy Asistans Finansyè, 317 East 17<sup>th</sup> Street (Fierman Hall), 3<sup>rd</sup> Floor Room 3F05, New York, NY 10003, (212) 420-3801 (p), (212) 844-1771 (f)
- **Mount Sinai Downtown Union Square**: Depatman Konsèy Asistans Finansyè, 10 Union Square East, Room 2030, New York, New York 10003, (212) 844-6041 (p), (212) 844-8401 (f)
- **Mount Sinai Beth Israel Brooklyn**: 3201 Kings Highway, Room 116, Brooklyn NY 11234, (718) 951-2751 (p), (718) 951-2822 (f)
- **Lopital Mount Sinai (New York)**: Depatman Konsèy Asistans Finansyè, 5 East 102nd Street, Room D1-228, New York, New York 10029, (212) 824-7274 (p), (212) 876-7775 (f); Depatman Konsèy Asistans Finansyè, 1468 Madison Avenue, Room 210, New York, New York 10029, (212) 241-4851 (p), (212) 426-1094 (f)
- **Mount Sinai Queens**: Crescent Condo, Suite 1D, 23-22 30th Road, Long Island City, New York 11102, (718) 267-4369 (p), (718) 726-2967 (f)

---

<sup>1</sup> W ap jwenn yon lis fasilité lopital ki pou prensip sa a nan sitwèb ([www.hospitalassistance.org](http://www.hospitalassistance.org)).

- **New York Eye and Ear Infirmary of Mount Sinai:** First Floor, 310 East 14th Street, New York, New York 10003, (212) 979-4183 (p), (212) 353-5738 (f)
- **Mount Sinai West (Roosevelt Hospital avan):** Depatman Konsèy Asistans Finansyè, 1000 Tenth Avenue, Room 2H, New York, New York 10019, (212) 523-7816 (p), (212) 523-8143 (f)
- **Mount Sinai West (HEAL Center):** 1000 Tenth Avenue, Room 1M, New York, New York 10019, (212) 523-3900 (p), (212) 636-3806 (f)
- **Mount Sinai St. Luke's:** Depatman Konsèy Asistans Finansyè, 1111 Amsterdam Avenue at 114th Street, New York, New York 10025, (212) 523-2552 (p), (212) 523-5620 (f)
- **Mount Sinai St. Luke's (HEAL Center):** 1111 Amsterdam Avenue, Clark Building, Room 108, New York, New York 10025, (212) 523-3900 (p), (212) 523-3955 (f)

Yo kapab evalye ou pou wè si ou kalifye pou Medicaid epi ou kapab oblige kolabore ak reprezantan Medicaid la pou ou kapab kalite pou asistans finansyè sou regleman nou an.

### **Ki dokiman pou mwen bay lè m ap aplike pou yon rabè?**

Dokiman ou oblige bay yo ap depann selon sitiyasyon ou. Nòmalman w ap bezwen bay prèv pou montre kimoun ou ye, kote ou abite, konbyen lajan w ap fè, kimoun depandan ou yo ye (si w ap reklame depandan) ak sipò pou timoun oswa madanm/mari ou peye.

Si ou pa kapab bay okenn nan bagay sa yo, ou kapab toujou aplike pou asistans finansyè. Kontakte biwo ki nan lis sou premye paj rezime sa a.

### **Konbyen m ap bezwen peye?**

Ou gendwa pa bezwen peye senk kòb pou timoun ak fanm ansent, men li depann selon kantite lajan w ap fè. Kantite w ap bezwen peye pou granmoun ap yon pousantaj sa Medicare t ap peye pou sèvis la, men li depann selon kantite lajan w ap fè tou. Si ou kalifye pou asistans finansyè, ou p ap bezwen peye plis pase kantite lopital la konnen mande peye pou sèvis ijan ak lòt swen ki nesesè pou rezon medikal.

Ekip nou an ap ba ou tout detay ou bezwen sou rabè pa ou a menm kou nou fin trete aplikasyon ou an.

### **Kijan m ap fè pou jwenn rabè a?**

W ap bezwen ranpli fòm aplikasyon an. Ou kapab aplike pou yon rabè avan ou gen yon randevou, lè ou vini lopital la pou resevwa swen, oswa lè yo voye fakti a ba ou pa lapòs. W ap genyen jiska 240 jou apre ou resevwa premye fakti nan men nou pou soumèt aplikasyon an.

### **Kijan m ap fè konnen si yo te apwouve rabè a pou mwen?**

N ap voye yon lèt ba ou nan lespas 30 jou apre ou soumèt yon aplikasyon ki konplè, pou di ou si nou te apwouve ou ak kantite rabè w ap resevwa.

**Sa pou mwen fè si mwen resevwa yon fakti pandan m ap tann pou tandem si mwen kapab jwenn yon rabè?**

Yo pa kapab fè ou peye yon fakti lopital pandan y ap konsidere aplikasyon ou pou yon rabè. Si yo refize aplikasyon ou a, lopital la dwe ekri ou pou di ou poukisa epi li dwe pa ou yon mwayen pou konteste desizyon an nan yon nivo ki pi wo nan lopital la.

**Sa pou mwen fè si yo te refize ba mwen yon rabè epi mwen panse te gen yon erè?**

Ou kapab konteste, si ou fè sa nan lespas 30 jou apre ou resevwa lè nou ki refize ba ou rabè a. Ou kapab konteste sèlman si ou te bay enfòmasyon ki pa kòrèk, oswa te gen yon chanjman nan sitiyasyon finansyè ou oswa yon lòt gwo sikostans. Ou dwe soumèt kontestasyon ou nan biwo ki sou lis nan premye paj la.

**Sa pou mwen fè si mwen jwenn yon rabè epi mwen toujou pa gen mwayen pou peye fakti mwen?**

Si ou jwenn yon rabè men ou toujou pa ka peye fakti ou, gen posiblite pou ou kalifye pou yon plan peman san enterè. Si ou kalifye pou plan peman an, kantite w ap peye chak mwa ap depann selon kantite lajan w ap fè.

**Sa pou mwen fè si mwen gen yon pwoblèm epi mwen pa kapab rezoud li ak lopital la?**

Ou kapab rele liy telefòn plent Depatman Sante Eta New York nan nimewo 1-800-804-5447.

**Kijan pou mwen jwenn yon kopi prensip asistans finansyè lopital la ak yon aplikasyon?**

W ap jwenn kopie prensip asistans finansyè lopital la, rezime sa a, ak aplikasyon pou asistans finansyè a sou entènèt nan adrès [www.financialassistance.org](http://www.financialassistance.org). Epitou genyen kopi materyèl sa yo ki disponib nan biwo ki sou lis anwo a, epi ou kapab kontakte biwo ki sou lis anwo a pou mande yo voye kopi materyèl sa yo pou ou pa lapòs (gratis).

**Nan ki lang prensip asistans finansyè lopital la disponib?**

Prensip asistans finansyè ak aplikasyon pou asistans finansyè lopital la disponib nan lang sa yo:

- Panyòl
- Chinwa
- Kreyòl Ayisyen
- Polonè
- Ris